

Teché la bènichon

*Teché la bènichon
E to chin ke lè bon
Le goutâ no j'atin
Pêjin pâ tru dè tin*

Amêna la kuchôla, le buro, la mothârda
Pu le boulyon vindrè, parfumâ dè j'êrbètè
Le bouli chièvetthrè avui lè rirochètè
Lè râvè li cheron avi lè pre dè têra

*Chindâ? l'ârma dou vin tsantè dîn lè botolyè
E cha bala kolâ tralenè dîn lè vêro*

Lè bon pre a botsi è le ruthi dè falya
Gatolyon l'apèti. Pu vindrè de la bouârma
Linju, bakon vérâ, linvoua, bouna tsanbèta
Fanfyoulè è tsou, ri rodzè in chalârda

E po to t'arojâ, le bon vin di farvâdzè
Le rodzo bouchenâ, ke dêrulyè la blaga
Rêtsàdèrè lè kâ. Li arè la pachtringa
Po no fère a tsantâ è inbrilyâ lè danthè

Avo dyètsè dè hyâ, meringè è krijètè
Krokè, brèchi dorâ, pan d'èni è kutyètè
Po chin fère a pachâ, fudrè mé de na tsanhya
Kâfé, poma, prunô, pre a botsi, dzinthanna

Chu le ketsè dou grètê

Chu le ketsè d'on bi grètê
Ouna malyintsètê kôvâvê
Chon galé ni bin a chokrê
Tralenâvê dêri lè folyé
On dzoa na bala kôvêrâ
L'a keminhyi a chubytô

Chu le ketsè d'on bi grètê
Duvè malyintsètê tsantâvan
Kan na grôch'oura l'an korê
Din lè brantsè ke kuvatâvan
L'orâdzo l'a to t'avutrâ
Le piti ni lè jou frêjâ

Chu le ketsè d'on bi grètê
Duvè malyintsètê tsêrtiyivan
Lou j'ojalè ke chon tsejê
Din lè j'ivouè ke tsêrèlyivan
Tyin kroulyo tin po lè j'oji
To t'irè a rëkeminhyi

Chu le ketsè d'on bi grètê
Duvè malyintsètê trakouâvan
Le galé ni lè jou réfê.
Dutrè j'ojalè rëdzolyivan
Ouna novala kôvêrâ.
On a rë olyu chubytô

Chu le ketsè d'on bi grètê
Dutrè kobyè dè malyintsètê
Tsanton le bon tin rëvinyê
Chinbyon no dre chu lou brantsètê
Le chèlà rëvin totêvi
Rëtsoudâ lè piti j'oji

Sur la cîme du cerisier

Sur la cîme du cerisier
Une mésange couvait
Son joli nid bien à l'abri
Se balaçait derrière les feuilles
Un jour une jolie couvée
A commencé à siffloter

Sur la cîme du cerisier
Deux mésanges chantaient
Quand un grand vent a couru
En s'agitant dans les branches
L'orage a tout fracassé
Le petit nid fut emporté

Sur la cîme du cerisier
Deux mésanges cherchaient
Les oisillons qui sont tombés
Dans l'eau qui les emportait
Un vilain temps pour les oiseaux
Tout était à recommencer

Sur la cîme du cerisier
Deux mésanges s'affairaient
Leur joli nid fut reconstruit
Deux oiseaux se réjouissaient
Une nouvelle couvée
A commencé à siffloter

Sur la cîme du cerisier
Plusieurs couples de mésanges
Chantent le beau temps revenu
Elles nous disent sur la ramée
Que le soleil revient toujours
Réchauffer les petits oiseaux